

NOTITIA ANTIQUA EPISCOPATUUM PATRIARCHATUS CONSTANTINOPOLITANI.

THRACIA.

PROVINCIA EUROPÆ.

²HERACLEA Ptol. 1. 3. c. 11. vulgò etiam *Heracilia* Leunclavio. *Serapion* hujus Episcopus dicitur apud Socratem lib. 4. Hist. cap. 15. & apud Sozomenum lib. 8. cap. 19. *Phadrius* autem subscripsit Concilio Nicæno primo, *Cyriacus* Chalcedonensi per Lucianum Byzæ, necnon *Constantinus* Heracleanus Metrop. Europæ adfuit Constantinopolitano sub Agapeto & Menna.

PANIUM Cedreno, hodie *Phanorion* dicitur Gyllio teste. *Andreas* Episcopus Panianus subscripsit Concilio Constantinopolitano sub Agapeto & Menna, act. 2.

³COELOS Pomponio lib. 2. cap. 2. Civitas Episcopalis in Chersoneso Thraciæ. *Cyrillus* Episcopus Cœlenfis legitur act. 7. Conc. Ephes. & *Viticanus* Romano sub Symmacho subscripsit.

CALLIPOLIS Ptol. ibid. vulgò *Gallipoli*, & *Turcis Gebbole*, teste Leunclavio, Episcopalis dicitur act. 7. Concil. Ephes. in libello supplici Euprepî Episcopi Byzes, ubi dictus *Cyrillus* nominatur Episcopus Cœlæ & Callipolis.

⁴CYLA eidem Notitiæ Græcæ. *Theotechnus* Cylenfis Episcopus, non Cylenfis, subscripsit Epistolæ Synodicæ Episcoporum Europæ ad Leonem Imperatorem.

⁵APHRODISIA Ptol. lib. 3. cap. 11. *Theophronius* hujus Episcopus subscripsit Epistolæ Synodali Europæ Thraciæ ad Leonem Imp. habuit autem Sabadiam alteram Sedem Episcopalem sibi subditam, ut dicitur act. 7. Concilii Ephes. ubi supra.

THEODOSIOPOLIS nova Cedreno, Apri Colonia Ptol. lib. 3. cap. 11. *Babulas* hujus civitatis Episcopus subscripsit eidem Epistolæ.

CHERSONNESUS Livio in Europa Decad. 4. lib. 8. & Notitiæ Græcæ item in eadem Provincia. *Petrus* Episcopus Chersonensis legitur in Conc. Chalcedonensi, cui subscripsit pro Cyriaco Heracleæ Thraciæ.

DRUSIPARA Ptol. lib. 3. cap. 11. vulgò *Misimi* teste Sophiano. *Theodorus* hujus Episcopus subscripsit quintæ Synodo generali, in cujus quinta Collatione idem *Theodorus* dicitur Drysiparorum Metropoleas (scilicet honorariæ) Episcopus.

LYSIMACHIA Ptol. ibid. vulgò *Hexamili* teste Sophiano. *Deodatus* Lysimachorum Episcopus subscripsit Concilio Chalcedonensi act. 1.

⁶BYZIA Ptol. ibid. vulgò *Vize* teste Leunclavio. *Lucianus* ejus Episcopus sub-

NOTÆ LUCE HOLSTENII.

¹ Ad hanc Thraciæ Dioecesin pertinent etiam Mæsiæ inferioris & Scythiæ provinciæ, quas malè Illyrico accenset Auctor sup. pag. 203. & 204.

² *Heraclea &c.* vocatur Heraclea Thraciæ ad distinctionem reliquarum.

³ *Cœlos* Cœla sive Cœlia Hierocli & Acta Concil. Ephes. Cœlan vocant.

⁴ *Cyla* hæc est Cœla, quam modo recensuimus.

⁵ *Aphrodisia* Aphrodisias. [*Habuit a. Sabadiam alteram sedem Episc. sibi subditam*] planè contrarium affirmant Acta Concilior. Savadiensi enim suberat Aphrodisias.

⁶ *Byzia* Ptol. ibid.] reliquis Βύζη, ut & Actis Synodorum.